

«Құралай» балабақшасы

**ӨНДІРІСТІК - ӘКІМШІЛІК ЖИНАЛЫСТЫҢ
ХАТТАМАСЫ №1**

Күні: 05.09.2022ж

Қатысты: балабақша қызметкерлері

Күн тәртібінде қаралатын мәселелер:

1. Топтардың жабдыкталуы және жаңа оқу жылына дайындығы.
2. Жұмыс уақытының кестесін құру.
3. Жаңа оқу жылына балалармен алғашқы талдау жұмысын жүргізу.

Тыңдалды:

Бірінші мәселе бойынша, балабақша басшысы Баймолдина К.К. құжаттардың жүйелілігін, реттілігін тексергендігін айтып өтті. Яғни, балабақша тәрбиешілерінің және қызметкерлерінің өздеріне тиісті журнал, іс – қағаздарының күнделікті іс әрекет жоспарларының, айлық, жылдық жоспарларының, тәрбиеленушілердің жеке іс - құжаттарының жүйелігін айтты.

Екінші мәселе бойынша, балабақша басшысы Баймолдина К.К. жаңа оқу жылының басталуына байланысты балабақшамызда үлкен жұмыстар жүргізілді. Әр топтың тазалығы, мүліктерінің сапалылығы, ыдыс, төсек орныдарының жайлылығын ретке келтірдік. Алдымен топтағы жиһаздардың құрамы, орналасуы, бүтіндігі қаралады. Ыдыс – аяқтың толықтығы, сынғандары болса ауыстырылды. Жатын бөлменің жабдықтарын түгендеп, ол бөлменің жарық, жылы болуын қадағаладық. Топта оқу- тәрбие процесі өту үшін жарықтың түсуіне, гүлдердің көп болуына үлкен мән бердік. Балалардың ойын бөлмелердің де жағдайлары толық қарастырылды. Сондай – ақ, ас мәзірінің сапасы, әрі уақытылы берілуін қатаң бақылау жұмыстары жүргізілгендігін айтты.

Үшінші мәселе бойынша, балабақша басшысы –Баймолдина К.К. топтардағы тәрбиешілердің ұйымдастырылған іс - әрекет кестесін, жұмыс уақытын белгілеп бекіттік. Тәрбиешілер қолдарына бекітілген іс - әрекет кестесі бойынша жұмыстарын жүргізеді. Тәрбиешілер күнделікті берілген тапсырманы уақытысында орындайды. Жұмысқа үлкен жауапкершілікпен қарап, уақытысымен келеді. Жаңа оқу жылына балалармен алғашқы талдау жұмысы жүргізілгенін айтты. Балаларға қажетті оқу

құралдары түгелденді. Әр топ балалардың денсаулығы, физикалық қасиеттері бақыланды. Топ балаларының іс әрекетке деген қызығушылықтары жақсы. Жас ерекшеліктеріне сәйкес әрекетке бейімделген. Оқу құралдарын дұрыс қолдана алады.

Шешімі:

1. Құжаттарды реттеу, сапасын тексеру жұмысы жалғасын тапсын.
2. Топтардың жабдықталуы және жаңа оқу жылына дайындығы балабақшаның шаруашылық меңгерушісіне жүктелсін.
3. Ұйымдастырылған іс - әрекет кестесі және күн тәртібі бойынша жұмыс жүргізу тәрбиешілерге жүктелсін.
4. Жаңа оқу жылына балалармен алғашқы талдау жұмысын жүргізу нәтижесі қанағаттанарлық болып табылды.

Басшы:

Хатшы:



-----Баймолдина К.К.

-----Уалиева Д.Т.